

摘藻堂四庫全書薈要

經部

欽定四庫全書叢要

經部

欽定儀禮義疏卷三十九



詳校官編修臣程嘉謨

欽定四庫全書薈要卷二千四百五十二

經部

欽定儀禮義疏卷三十九

有司徹第十七之一

正義鄭氏康成曰少牢之下篇也大夫既祭賓尸於堂之禮天子諸侯之祭明日而繹有司徹於五

禮屬吉大戴第九小戴第十二別錄少牢下篇第

十七 敖氏繼公曰此別為一篇及其名篇之意

皆與既夕同 郝氏敬曰承上養事畢有司徹室



中饌賓尸於堂賓尸即繹凡大祭明日繹少牢之  
儻即祭日也

案上篇正祭以神道事尸於室故用祝與佐食皆  
室事也此篇賓尸以賓禮接尸於堂故不用祝與  
佐食而另立侑以輔尸皆堂事也即於祭日攝酒  
饗俎而行之與天子諸侯明日繹祭者不同祭統  
云天子之祭也與天下樂之諸侯之祭也與竟內  
樂之然則大夫之賓尸也亦率其賓客宗族家臣

以樂尸而已

通論鄭氏康成曰卿大夫既祭而賓尸禮崇也天子諸侯明日而繹春秋傳曰辛巳有事於大廟仲遂卒于垂壬午猶繹是也爾雅曰繹又祭也 又

曰天子諸侯曰繹以祭之明日卿大夫曰賓尸與祭同日 賈氏公彥曰爾雅釋天云周曰繹商曰彤夏曰復昨復昨者復昨日之昨祭彤者義取彤彤祭不絕繹者取尋繹前祭之事郊特牲繹之於

庫門內祊之於東方失之矣注祊之禮宜於廟門外之西室繹又於其堂神位在西也二者同時而大名曰繹其祭禮簡而事尸禮大大夫賓尸同日用正祭之牲天子諸侯禮大別日又別牲何氏休曰繹者繼昨日事但不灌地降神耳天子諸侯曰繹大夫曰賓尸士曰宴尸去事之殺也必繹者尸配先祖食不忍輒忘故因以復祭

存異鄭氏康成曰上大夫既祭賓尸於堂若下大

夫祭畢禮尸於室中無別行賓尸於堂之事 賈  
氏公彥曰賓尸是卿不賓尸是下大夫上大夫室  
中事尸行三獻禮畢別行賓尸於堂下大夫行三  
獻即於室內為加爵禮尸無別行賓尸于堂之事  
下文若不賓尸以下是也

辨正郝氏敬曰鄭謂有司賓尸為上大夫不賓尸  
為下大夫賓與不賓事故適然或祭有大小禮有  
損益未可據此分大夫之上下也

案少牢下篇以賓尸為正禮不賓尸乃禮之殺者  
故另起言若不賓尸如士冠禮言若不醴則醮用  
酒若殺則特豚士昏禮記云若不親迎則婦入三  
月然後壻見一例教氏以為古今文質異宜或亦  
五方風俗異尚是也又時祭有四或三時賓尸而  
一時不賓尸或秋冬賓尸而春夏不賓尸亦惟人  
酌而行之耳

有司徹



正義鄭氏康成曰徹室中之饋

賈疏室內之饋主于尸饌薦俎黍稷皆名

饋

及祝佐食之俎

賈疏祝亦有薦在室內北墉下佐食之俎在兩階之間見於上篇

賈氏公彥曰不賓尸餽訖云有司官徹饋饌于室

中西北隅彼注司馬司士舉俎宰夫取敦及豆則此

饋內兼數物惟無所俎所俎上篇佐食徹之先設於

堂下也 敖氏繼公曰徹室中之饋及養者之豆爵

與祝之薦俎也祝不執其俎以出是未歸也其二佐

食乃衆賓為之室中事畢亦反於賓位然則祝與佐

食皆當與於賓尸之禮矣此時有司徹祝俎或設於堂下與主人於養者之退亦反入於室及有司既徹則出立於阼階東也

案此後無室事則凡室中所有悉徹而空之矣室中之饋則尸之四豆也五俎也四敦也兩鉶也四瓦豆也酌奠之觶也祝之二豆也一俎也養者之二豆清也四爵也其在外則斝俎已設於堂下阼階南二佐食之薦俎本設於兩階間悉徹之但尸俎斝俎則出

之饗以待餼祝佐食之薦俎則當各設之於其堂下  
之位其餘豆鉶諸物各歸其所以待概滌室中尸祝  
主人主婦之祭亦埽而去之

存疑鄭氏康成曰賓尸則不設饌西北隅以此薦俎

之陳有祭象而亦足以厭飫神

賈疏對下不賓尸者尸出之後改饌西北

隅為厭  
飫神也

賈氏公彥曰所俎亦用賓尸不使有司同

時徹者所俎本為尸故設之徹之皆不與正俎同時  
後設先徹也

案厭飫之說已於士虞特牲辨之矣不賓尸則祭畢無後禮故改設之而後徹示重神餘也賓尸則祭雖畢而尚有後禮故即徹之而不改設以其事相接而神餘將有所用之也於厭不厭無與焉賓尸亦用所俎之俎實非用其俎也下經自明

埽堂

埽索到反

正義鄭氏康成曰為賓尸新之少儀曰汎埽曰埽埽

席前曰拊

賈疏引少儀者明於堂汎埽

賈氏公彥曰正祭於室

之時堂亦埽訖今將賓尸又埽之

司宮攝酒

攝書摺反注  
今文攝為聶

正義鄭氏康成曰更洗益整頓之

賈疏士冠禮再醮  
攝酒注云攝猶整

也整酒謂撓之此更添  
益整頓則此洗當作撓

賈氏公彥曰因前正祭之

酒更撓擾添益整新之也

案攝說文解為引持此疏又云添益則是持酒以益於尊所謂貳也天官酒正職凡祭祀以法共五齊三酒以實八尊大祭三貳中祭再貳小祭一貳皆有酌

數是也

乃熬尸俎

熬音尋劉  
徐鹽反

正義許氏慎曰熬於湯中爇肉也

鄭氏康成曰熬

溫也溫尸俎於爨所亦溫焉

賈疏下文載俎所舉在  
所之肩胛脊脅皆復載

於俎則所  
亦溫也

古文熬皆作尋記或作燂

賈疏郊特牲血  
腥爛注云爛或

為燂春秋傳曰若可燂也亦可寒也

賈疏哀十二年傳  
子貢對吳大宰文

賈氏公彥曰下文云卒熬乃升羊豕魚三鼎是先

溫於爨之鑊乃升之於鼎也

敖氏繼公曰俎俎實

謂尸前之羊豕魚及所加於胙俎者也雍饗所絜固不止此此特為其已在俎者言之耳祝佐食亦與賓尸之禮其俎實不絜者以無上位畧之但因其故俎而已

案絜尸俎者羊體則絜於羊鑊豕體與膚則絜於豕鑊魚則絜於魚鑊唯腊及胙俎內之心舌不絜耳正祭時所升者尸俎而外唯祝與二佐食之俎而已其餘則皆存乎鑊也將賓尸則凡賓兄弟公有司私人

內兄弟之胥雍人雍府皆自鑊載之於俎鑊中直有  
清而已乃以尸俎投而燬之

存疑鄭氏康成曰獨言溫尸俎則祝與佐食不與賓

尸之禮

賈疏正祭時尸祝及佐食皆有俎今獨言溫尸俎見賓尸時祝與佐食不與而別立侑也

案自有司徹以下祝與佐食皆不見於經故注以為  
祝與佐食不與賓尸之禮然經不見祝佐食出與歸  
俎之文則是猶在列也且事神事尸祝佐食有上事  
為最貴而賓尸之禮不與可乎以其賓尸不與尸相



接而在堂下衆賓衆兄弟之班故經文不見之也祝  
佐食之俎不餼者以他人可用尸之餘不可令尸用  
他人之餘也是以因其故俎而設於堂下焉正祭主  
人主婦不設俎亦以賓尸不便於餼俎故耳上篇宗  
人遣賓牝而二佐食在焉故教氏以佐食為衆賓也  
其祝若同姓則在兄弟之列異姓則在衆賓之列

卒餼乃升羊豕魚三鼎無腊與膚乃設扃鼎陳鼎于門

外如初

扃古熒反鼎茫狄反注今  
文扃為鉉古文鼎為宐

正義敖氏繼公曰少牢當五鼎此乃無腊與膚鼎者  
賓尸之禮膚不專俎而附於豕俎故是時亦不可以  
專鼎而附於豕鼎也然鼎數宜竒是以併去腊鼎而  
為三焉腊全不用者此禮賤於祭而腊又賤故畧之  
鄭氏康成曰腊為庶羞膚從豕去其鼎者賓尸之  
禮殺於初如初者如廟門之外東方北面北上

案下文載俎實尸膚五侑膚三主人膚三主婦膚一  
此云無膚者言無專鼎耳下注云庶羞羊臠豕臠皆

有馘醢腊不在焉此乃云腊為庶羞不獨於經未聞  
鄭亦自相刺繆矣

右新賓禮

乃議侑于賓以異姓

侑音又注古文侑皆作宥

正義鄭氏康成曰議猶擇也擇賓之賢者可以侑尸  
必用異姓廣敬也 敖氏繼公曰議侑于賓謂與賓  
長謀議可以為侑者也此與鄉飲酒就先生而謀賓  
介之意相類以異姓謂於衆賓之中擇之也尸既同

姓故侑必異姓侑之言佑也所以輔助尸者也賓尸而立侑亦示敬尸之意且貴多儀也

案以尸為賓又立侑以輔尸猶鄉飲有賓必有介也尸席戶西南面侑席西序東面猶鄉飲之賓席牖前南面介席西階上東面也侑取異姓乃可以居西序東鄉之位

存疑鄭氏康成曰是時主人及賓有司已復內位

賈疏

上篇四養者二佐食二賓長餽訖皆出未見入主人送上養言退皆有出事今議侑在內故云是時賓主

人已復  
內位也

案主人賓有司皆未出廟門則猶在內位也何復之  
有上篇暮者三人興出注云出降反賓位是也三人  
中佐食在焉抑可見佐食之與於賓尸禮矣

### 宗人戒侑

正義鄭氏康成曰戒猶告也南面告於其位

賈疏賓位在門

東北面下文將獻賓時主人降南面拜衆賓於門東  
三拜衆賓門東北面皆答一拜是也請以為侑明南  
面鄉其  
戒曰請子為侑

賈疏案燕禮公曰命某為賓射人傳公命當云請子為賓

此命侑當先云命某為侑宗人傳主人辭戒曰請子為侑

郝氏敬曰議既定宗

人遂戒之

侑出俟于廟門之外

正義鄭氏康成曰待於次當與尸更入主人興禮事

尸極敬心也

賈疏謂立侑輔尸使出更迎之

案燕禮大射儀既命賓賓出門外以主人當迎之也此侑之出與彼同節但燕禮賓出東面大射儀賓出北面此不言侑所面以下經尸與侑北面于廟門之

外者決之則此亦北面與

右立侑

司宮筵于戶西南面

正義鄭氏康成曰為尸席也

又筵于西序東面

正義鄭氏康成曰為侑席也  
李氏如圭曰尸侑席

位與鄉飲酒賓介之席位同

尸與侑北面于廟門之外西上

正義鄭氏康成曰言與殊尊卑北面者賓尸而尸益

卑

賈疏賓尸之禮以尸為賓客當在門西東面北上今門外北面故云益卑也

敖氏繼

公曰尸北面者尊大夫若不敢為賓客然也其位當在門外之西祭事已尸出門則不敢以尊自居西上賓位尚左也

案尸者神之所憑憑之則神離之則人也賓尸者處乎神與人之間始猶疑乎神之終則全乎人之者也士之尸未出廟則疑乎神未離之故尸不與於旅酬



尸尊也大夫賓尸尸出廟而復入則疑乎神既離之  
故尸亦與乎旅酬尸卑也 又案燕禮之賓出東面  
賓之大射儀之賓出北面臣之也此之尸侑皆北  
面故注以為尸益卑而教氏以為尊大夫也疏謂尸  
執臣道夫同姓之親天子諸侯盡臣之大夫則或臣  
或不臣矣豈可概乎其臣者如東郭偃臣崔武子是  
也為尸者則不必其皆臣也

主人出迎尸宗人擯

正義鄭氏康成曰賓客尸而迎之主人益尊擯贊

賈氏公彥曰正祭主人不迎尸以伸尸之尊此迎之  
以尸同賓客也 李氏如圭曰向者祝擯尸神象也  
今宗人擯賓尸也 敖氏繼公曰迎之而使宗人擯  
待賓之禮也賓客尸而迎之亦為祭事已

主人拜尸答拜主人又拜侑侑答拜

正義敖氏繼公曰主人拜蓋西面也答拜者其皆東  
面與此拜皆再拜下文拜至亦然

主人揖先入門右

正義鄭氏康成曰道尸 敖氏繼公曰凡主人與客揖而先入皆入門右也經特於此見之

尸入門左侑從亦左揖乃讓

正義鄭氏康成曰沒雷相揖至階又讓 賈氏公彥曰鄉飲酒禮之等入門三揖至階又讓 敖氏繼公曰亦三揖至於階乃三讓也經文省亦以其可知故也

主人先升自阼階尸侑升自西階西楹西北面東上

正義教氏繼公曰尸侑升自西階尸升三等侑從之  
中等如上下射升降之儀也其降也亦然東上尸宜  
與主人相當也 鄭氏康成曰東上統於其席 賈  
氏公彥曰尸在門外北面西上統於賓客至此升堂  
亦應西上而東上賓席以東為上故也

主人東楹東北面拜至尸答拜主人又拜侑侑答拜

正義鄭氏康成曰拜至喜之 教氏繼公曰拜至說

見士昏禮 郝氏敬曰自主人出迎及拜至皆用賓  
禮與祭時尸入不迎異所以為賓尸而尸稍卑矣  
案鄉飲酒禮賓升主人先拜至與賓成禮既乃與介  
揖讓升又拜至與介成禮此則尸侑同時升而主人  
之拜至亦相踵為之與彼禮異

右迎尸侑

乃舉

正義鄭氏康成曰舉舉鼎也舉者不盥殺也

賈疏正祭時皆

盥訖乃舉鼎此賓

尸不盥故云殺也

司馬舉羊鼎司士舉豕鼎舉魚鼎以入陳鼎如初

正義敖氏繼公曰司馬二人司士四人也魚鼎重言  
舉明其與豕鼎異人也如初如其東方當序西面北  
上鄭氏康成曰如初如阼階下西面北上

賈疏如  
正祭時

陳鼎之  
事也

雍正執一七以從雍府執二七以從司士合執二俎以  
從司士贊者亦合執二俎以從七皆加于鼎東枋二俎

設于羊鼎西西縮二俎皆設于二鼎西亦西縮

注古文縮皆為

麇

正義鄭氏康成曰凡三七鼎一七四俎為尸侑主人

主婦

賈疏據下文四者皆有俎

其二俎設于豕鼎魚鼎之西陳之

宜具也

賈疏四俎當俱陳于羊鼎之西分二俎陳豕鼎魚鼎之西者欲使三鼎之西並有俎故云

具也李氏如圭曰四俎皆載羊體之正俎而分陳之

敖氏繼公曰一七羊七也二七豕魚七也四俎乃

尸侑主人主婦之羊俎也設之亦北上如鼎之序然

其載之亦先北而後南也此皆羊俎其二乃在豕鼎  
魚鼎西者但欲使鼎前皆有俎耳不嫌其所載者異  
也羊鼎西特有二俎尊之也此執七以少者為貴設  
俎以多者為尊亦宜也

案大夫之祭以羊為上牲故以少牢名篇此賓尸諸  
品皆統於羊故羊鼎羊七羊俎及舉之執之設之者  
皆先於其豕與魚也

雍人合執二俎陳于羊俎西並皆西縮覆二疏七于其



上皆縮俎西枋

覆芳屋反下並同  
注古文並皆作併

正義賈氏公彥曰此二俎為益送之俎 敖氏繼公

曰羊俎指在羊鼎西者也此二俎陳于其西亦北上  
其北俎次賓以羞羊七消豕七消其南俎司馬以羞  
羊肉消司士以羞豕胄消魚疏七二者羊豕之消宜  
異器也覆者為塵也二七覆于二俎之上羊七在北  
豕七在南南非七消之俎亦覆七於其上者事未至  
權加之耳此俎將載則更以豕七加於其北俎既則

反之縮俎西枋為縮執俎者在西也 鄭氏康成曰

並併也疏七七柄有刻飾者

賈疏疏者疏通刻飾之名若禮記云疏屏之類

謂通柄刻雲

氣以飾也

存疑鄭氏康成曰其南俎司馬以羞羊七涓羊肉涓  
其北俎司士以羞豕七涓豕脊涓魚

辨正賈氏公彥曰七涓謂無肉直涓以其在七也肉  
涓直是肉從涓中來實無涓下文次賓羞羊七涓司  
馬羞羊肉涓此注并云司馬其實羞羊七涓者是次

賓也又下文次賓羞豕七涓司士羞豕胥羞涓魚此  
注并云司士亦據上經司士擊豕而言實次賓羞豕  
七涓也

案羞俎者注不見次賓疏以經正之是也其二俎之  
設注謂南者羞羊北者羞豕魚似屬倒置然即謂北  
俎羞羊南俎羞豕魚猶未盡合也蓋兩俎必相間用  
之羊七涓俎以羞于尸則羊肉涓俎亦當已載而俟  
則二者不可同用一俎明矣豕七涓與豕胥亦然故

二俎祇可以七與肉分而不可以羊與豕異也

右陳設鼎俎

主人降受宰几尸侑降主人辭尸對

正義鄭氏康成曰几所以坐安體周官大宰掌贊玉

几玉爵

賈疏引大宰者證  
宰授主人几之義

敖氏繼公曰為尸受几

故尸從降侑亦降者從尸也凡尸為禮之類此者侑則從之此所以謂之侑也與

宰授几主人受二手橫執几揖尸

正義教氏繼公曰几自東壁來其授受於阼階東與  
獨揖尸尸尊也聘禮公受几于序端 鄭氏康成曰  
獨揖尸几禮主于尸

主人升尸侑升復位

正義鄭氏康成曰位阼階賓階上位

賈疏主人位常在阼階上其尸

位在尸西及在西階上今恐尸

復位在尸西故言賓階上位也

主人西面左手執几縮之以右袂推拂几三二手橫執  
几進授尸于筵前

正義鄭氏康成曰拂者外拂之也推拂去塵示新  
敖氏繼公曰推者推手也 郝氏敬曰拂几則直順  
便也授几則橫對便也主人二手橫執几執外廉也  
尸進二手受于手間

正義敖氏繼公曰聘禮云賓進訝受几于筵前此亦  
訝受也乃云手間者但言其疏數之節耳此授受者  
皆橫執几而二手之間有廣狹則凡賓主之橫執几  
者二手共執其一廉明矣 鄭氏康成曰受從手間

謙也 郝氏敬曰尸二手受受內廉也主人二手執几兩端尸併二手執几中間授者極慎受者極恭也主人退尸還几縮之右手執外廉北面奠于筵上左之

南縮不坐

還音旋

正義敖氏繼公曰主人退復位也還几還而易執之也縮執几亦用二手此惟云右手執外廉特見其一耳右廉而謂之外者以其差遠於人故也几稍高故設之不坐少儀曰取俎設俎不坐其意類此 賈氏

公彥曰主人橫執几進授尸尸二手受于主人手間

時亦橫受之將欲縱設于席故還之使縮以右手執

几外廉鄉北面縮設于席也 鄭氏康成曰左之者

異于鬼神生人陽長左鬼神陰長右

賈疏凡設几神在右人在左生

人陽故尚左鬼神陰故尚右

不坐奠之者几輕

郝氏敬曰右手

執外廉執主人所執之方筵南向故北面奠于筵上

左之謂奠几筵東

案左之以筵為左右不以設者為左右故在東也



主人東楹東北面拜

正義鄭氏康成曰拜送几也

尸復位尸與侑皆北面答拜

正義鄭氏康成曰侑拜者從於尸

賈疏立侑以輔尸故侑從尸拜

敖氏繼公曰至此尸乃復位則是主人拜時尸在筵前東面也

案主人尸侑皆北面拜賓主之正禮此乃所謂賓尸也凡尊者所憑依神與人不同於神則設之而已於

人則有設几授几設則從質授則彌文也士昏禮覲禮聘禮與此參觀之可見焉

右授几

主人降洗尸侑降尸辭洗主人對卒洗揖主人升尸侑升尸西楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵正義敖氏繼公曰辭對之儀見鄉飲酒故此畧之揖

亦主人揖尸也文省耳下放此獻受之儀亦當如鄉  
飲酒禮 鄭氏康成曰降盥者為土污手不可酌  
賈氏公彥曰案鄉飲酒禮主人降洗賓降主人辭降  
賓對此亦應主人降洗尸降主人辭降

右主人獻尸

主婦自東房薦韭菹醢坐奠于筵前菹在西方婦贊者  
執菹菹醢以授主婦主婦不興受陪設于南昌在東方  
興取籩于房體菁坐設于豆西當外列體在東方婦贊

者執白黑以授主婦主婦不與受設于初籩之南白在

西方興退

禮芳中反  
蕒扶云反

正義鄭氏康成曰昌昌本也韭菹醢昌本麋鷓體

熬麥也蕒熬泉實也白熬稻黑熬黍

賈疏天官籩人職朝事之籩體

蕒白黑形鹽膾鮑魚鱠醢人職朝事之豆韭菹醢醢昌本麋鷓蕒菹鹿鷓茆菹麋鷓鄭皆據彼而言彼注

云有骨為鷓無骨為醢散文則鷓亦名醢蕒麻有實泉麻無實蕒泉實者舉其類耳

此皆朝事

之豆籩大夫無朝事而用之賓尸亦豐大夫之禮

賈疏

天子諸侯正祭坐尸于堂北面而事之謂之朝事特牲少牢正祭無朝事于堂直有室中之事賓尸用韭

道之等皆朝事所用是謂豐大夫禮然以主婦取籩其禮殺故八籩八豆之中各取其四耳

興者以饌異親之

賈疏籩與豆不同所實又別故主婦宜就房親取之不使婦贊者取

籩以授主婦也

當外列辟劍也退退入房也

賈氏公彥曰

正祭先薦後獻若繹祭則先獻後薦故祭義曰君獻

尸夫人薦豆注云謂繹日也賓尸禮與天子諸侯繹

祭同亦先獻後薦也李氏如圭曰先獻後薦異于

祭也陪設重列之也敖氏繼公曰四豆四籩放室

中之數也賓尸以飲酒為主其禮變於饋食不可復

因其薦故於其始亦變而用朝事之豆籩焉不辟君禮者變而用之無嫌也當外列體在麋鷩西也

案大夫當日賓尸設俎而不更殺所以殺於繹且日力不給也其他豆籩則皆新之故用昌菹麋醢以見韭菹醢醢亦不仍正祭之舊也 又案少牢禮所用

惟韭菹醢醢葵菹羸醢而已賓尸所用惟尸則以昌菹麋醢易葵菹羸醢而已此以薄正祭器之大概也然据苻菜蘋蘩之詩澗谿沼沚之傳水產陸產之記

則可為籩豆之實者為物甚繁而若可以不拘然則周官所言亦簿正之法如是耳天子諸侯理大物博正祭不可易也若繹祭則不妨變而通之雖不在菹齋醢鸞之常數者亦可並薦與

右主婦薦豆籩

乃升

正義鄭氏康成曰升牲體于俎也

司馬牝羊亦司馬載載右體肩臂肫骼膍正脊一脰脊

一橫脊一短脅一正脅一代脅一腸一胃一祭肺一載

于一俎

純肫音

正義敖氏繼公曰二司馬即舉羊鼎者以下凡升羊者皆司馬為之特於此見之耳上言斂尸俎而此肩臂肫骼臠具有明其神俎所俎並用也復序俎實者其數及載與進俎之法皆有異於上故耳是言載時先後之序也其在俎則與正祭者畧同惟臠後於骼為異以其折也折之則不為全體而在全體之下矣



臠必折者見其貶於神俎且欲以所折者為肉滂俎也其脊脅皆一骨及腸胃各一者義亦如之賓尸主於飲酒此俎乃有祭肺者盛之一俎謂司士所設羊鼎西之北俎也既載則侑主人主婦之羊俎亦繼此而序載之每俎既載則遷之於阼階西亦北上西縮俟時乃設耳所以然者為當進羊七滂羊肉滂于尸

也 鄭氏康成曰言數尸俎復序體者明所舉肩髀

存焉

賈疏上篇載牲體十一脊脅皆加並骨二尸食持舉脊脅髀肩在于所俎上直言數尸俎嫌所

舉在所者不在  
故復序其體也

亦著脊脅皆一骨也

賈疏脊脅雖舉  
以其二以併今

脊脅載一骨在正  
組一骨在清組也

膍在下者折分之以為肉清貶也

一組謂司士所設羊鼎西第一組

李氏如圭曰此

尸之羊正組也復肩骼于組與正祭神組同其異者  
脊脅腸胃祭肺皆一又無舉肺且折分其膍故降膍  
在骼下也

存異賈氏公彥曰第一組此組在侑組之南下侑組  
注云司士所設羊鼎西之北組也明尸組在侑組之

南

案俎之序依乎鼎鼎既北上俎安得南上且主人主婦俎在豕鼎魚鼎之西矣其羊鼎之西者侑俎在北尸俎在南是北上南上胥失也注明言羊鼎西第一俎矣豈第一俎不在北而轉在南乎

羊肉清膍析正脊一正脅一腸一胃一膾肺一載于南

俎

注今文  
清為汁

正義鄭氏康成曰肉清肉在汁中者以增俎實為尸

加也必云臠折明為上所折分者臠肺離肺也南俎  
雍人所設在南者 賈氏公彥曰凡牲體皆出於汁  
不言滂又下豕膏亦出於汁皆不言滂此特得滂名  
者特牲少牢正祭升牲體於鼎時皆無七滂今此升  
牲體於尸前七滂亦升焉故得滂名以在俎無汁故  
進羊肉滂必先進羊七滂見此滂為肉而有故在羊  
肉滂前進之使尸嘗之豕亦有七滂不名肉滂而名  
膏者互見為文言膏者見在俎無汁言肉滂者見在

鼎內時有汁也魚不言魚清而云清魚者魚前無進  
七清故先言清以明魚在清可知羊有正俎羞七清  
又羞肉清豕無正俎魚無七清隆汚之殺也不羞魚  
七清畧小味也 敖氏繼公曰云牯折者明其為牯  
之下也此牯蓋與後足之彘同以無異名故但云牯  
折而已羊俎之外又分其體以為此俎貴多儀也尊  
尸不敢用左體故分右牯為之用齊肺亦別于其正  
羊肉清與羊俎之實同鼎而名不同以其於鼎有清

上清中之異也羊俎西之二俎亦北上肉清載于南俎則其北俎為羞七清明矣凡羊肉清與豕脊清魚皆俟時而載因升正俎之節而遂見之欲其文相比也

存疑鄭氏康成曰此以下十一俎俟時而載於此歷

說之爾

賈疏十一俎者即尸之羊肉清一也豕脊俎二也侑之羊俎三也豕俎四也主人羊俎五

也羊肉清俎六也豕脊七也主婦羊俎八也尸侑主人三者皆有魚俎是十一也通尸羊正俎為十二俎其四俎尸侑主人主婦載羊體俎皆為正俎其餘八俎雍人所設二俎蓋送往還故有八實止二俎也

案正俎四皆載羊體尸一也侑一也胙一也主婦一也此司士所設于三鼎之西者也既載尸俎則侑俎胙俎主婦俎亦相次而載之以此四俎無他用但設於尸侑主人主婦之前故可預載不必俟時也其益送之俎十有二而燔俎不與焉尸則羊七清也羊肉清也豕七清也豕膋也清魚也凡五侑則豕膋也清魚也凡二主人與尸同亦五合之為益送者十有二而皆以雍人所設於羊俎西之二俎更迭往還實升

虛降而遞送之其羊七滷豕七滷有滷無肉無體載  
之事故不列於載俎之儔而但著挹注之法於乃升  
之後以見例然則俟時而載者十有二俎而歷說於  
下者八俎爾尸之羊肉滷豕脊滷魚也侑之豕脊滷  
魚也胾之羊肉滷豕脊滷魚也蓋皆以南俎為之北  
俎則以盛七滷而與之相間以送焉燔俎雖亦益送  
然別有俎夙載而別陳之以燔不升於鼎也

司士牝豕亦司士載亦右體肩臂肫骼臠正脊一脰脊



一橫脊一短脅一正脅一代脅一膚五膾肺一載于一

俎

正義教氏繼公曰此謂豕脅也二司士即舉豕鼎者也此下凡升豕者皆此司士為之豕無正俎故此尸

俎之體骨皆放於羊俎此俎與羊肉清俎同亦南俎

也鄭氏康成曰膾在下者順羊也

賈疏以其豕脅不折膾亦在下

順上羊膾在下由折分此雖不折順羊故也

存異鄭氏康成曰俎謂雍人所設在北者教氏繼

公曰臠在胛下是亦折矣

案俎屬南當從教氏臠不折當從鄭氏

侑俎羊左肩左肫正脊一脅一腸一胃一切肺一載于一俎  
侑俎豕左肩折正脊一脅一膚三切肺一載于一俎

正義教氏繼公曰侑無羊肉消故羊俎得用二體前體以肩後體以肫尊之也右體皆在尸俎故此皆用左焉有肩有肫則肫在下端矣羊俎亦用祭肺者與

尸俎同在堂上因其禮也胾俎亦然飲酒正禮祭以  
離肺其有以切肺者或盛之或有為加之或相因用  
之非常禮也豕左肩折不用全體為羊俎已二體故  
於此殺之豕脊體數殺於羊俎又無羊肉清皆下尸  
也豕脊之肺宜如羊肉清用齊此乃放羊俎用切者  
亦以無羊肉清故也侑之羊俎司士所設在羊鼎西  
之南者侑之豕俎與尸之豕脊同用南俎 鄭氏康  
成曰侑俎用左體侑賤其羊俎過三體有肫尊之加

也賈疏鼎俎數奇今體數四故云加賓尸有侑猶正祭有祝少牢祝羊豕體各三又下文主人羊肉清

俎體亦三侑四體必知以肫為加者侑豕俎無肫主人羊肉清亦無肫故知有肫為加也豕左肩

折折分為長兄弟俎也切肺亦祭肺互言之耳無羊肉清下尸也豕俎與尸同

存疑鄭氏康成曰俎司士所設羊鼎西之北俎也豕

又祭肺不齊肺不備禮賈疏尸羊俎有祭肺豕俎有齊肺是備禮

案上經司馬七羊載于一俎注云司士所設羊鼎西

第一俎尸俎第一則侑俎第二第一者在北則第二

者在南無疑也此注乃云北俎殊不可曉疑北字乃次字之譌若然則注文本明而傳錄者展轉迷誤遂致賈氏亦眩耳侑之豕脊俎亦益送者則雍人所設于南者注謂豕俎與尸同是也祭肺貴於濟肺豈其有祭肺而轉謂不備禮乎教說密矣

胾俎羊肺一祭肺一載于一俎羊肉滑臂一脊一脅一腸一胃一濟肺一載于一俎豕脊臂一脊一脅一膚三濟肺一載于一俎

正義鄭氏康成曰阼俎主人俎無體遠下尸也賈疏尸用

右體主人用左體是其相下今主人正俎全無牲體故云遠下尸以肺代之肺尊也

賈疏尸侑一肺今主人一俎有兩肺肺者氣之主食所先祭尊于腸胃故以肺代體云加羊肉

清而有體崇尸惠亦尊主人賈疏肉清與尸同至尸酢主人而設之故曰崇

尸惠侑無羊也清豕也清而主人盡有是其尊主人臂左臂也侑用肩主人用

臂下之也不言左臂者大夫尊空其文賈疏知是左臂者以右臂

在尸俎故也阼俎司士所設豕鼎西俎也其清俎與尸俎

同豕俎又與尸豕俎同賈疏以其共用益送之俎故知同也敖氏繼

公曰尸之牲俎三主人亦如之故其正俎無體遠下尸也無骨之屬但用肺而已臂不言左者可知也正俎太貶故加俎宜用尊體其脊脅之屬亦不嫌於與尸同也侑正俎用肩主人之加俎乃用臂者蓋示其不相統之意豕脊猶言豕俎也不言肉清者一俎而已無所別異也豕脊體數乃放羊肉清者亦以羊俎太簡故爾此羊肉清豕脊皆用雍人所設之南俎與尸同

存疑鄭氏康成曰降於侑羊體一而增豕膚三有所  
屈有所申亦所謂順而撫也

賈疏順而  
撫禮器文

案主人與侑之豕脊俎膚皆三未見其增也而以此  
為申何哉

主婦俎羊左臠脊一脅一腸一胃一膚一膾羊肺一載  
于一俎

正義敖氏繼公曰主婦有正俎而無豕脊下侑也必  
用膚者明其可用豕脊而不用也亦與阼俎惟用羊



肺之意相近用濟肺者此俎設于房中故不因堂上

之禮 鄭氏康成曰無豕體而有膚以主人無羊體

不敢備也無祭肺有濟肺亦下侑也祭肺尊

賈疏侑俎皆祭

肺言濟羊肺者文承膚下嫌也

賈疏有豕肺之嫌故須辨之

膚在

羊肺上則羊豕之體名同相亞也

賈疏進豕膚在羊肺上者羊豕雖異

脊脅之等體名則同故以膚在肺上使相亞也下主人獻賓時膚又在肺下者彼取用之先後故退膚在

下其俎司士所設在魚鼎西者

案主婦一俎有羊無豕持加豕膚以見意故次於脊

脅腸胃以明其皆為俎實且與侑俎胙俎不甚異也  
羊肺在下者貴所祭殊之也

司士牝魚亦司士載尸俎五魚橫載之侑主人皆一魚  
亦橫載之皆加膾祭于其上

注膾火  
吳反

正義敖氏繼公曰二司士舉魚鼎者也橫載之亦縮  
俎其於載者則為橫此益送魚肉之俎載時皆橫執  
之與羞之之時異於斯見之矣凡經言載俎之例惟  
云橫載者據俎而言也加以之字者據載者而言也

此三羞清魚亦皆迭用南俎 鄭氏康成曰橫載之

者異於牲體膾讀如殷哱之哱剗魚時割其腹以為

大臠可用祭也其俎又與尸豕俎同

賈疏魚三俎皆用尸豕俎並進

之

案尸之魚俎不於前併序之而在此者欲使三魚俎為類也

存疑賈氏公彥曰正祭升魚縮載於俎為縮於尸為橫右首進腴若食生人亦縮載於人為橫右首進鱠

今賓尸魚橫載於人為縮是不與正祭同又與生人異也牲體進腩是已變於神至魚載又橫於俎是彌變於神也

案載魚之法上篇正祭曰縮載此賓尸則曰縮載之其實一也因執俎有橫縮之別而異其文耳疏未清析已於上篇詳之

右通言載俎之法

案主人之與尸也俎並同後此設俎羞俎之人並

同主人尊與尸為偶也侑輔尸者殺於尸則無羊  
七清俎羊肉清俎豕七清俎矣主婦匹主人者殺  
於主人又殺於侑則并無豕胄俎豕燔俎清魚俎  
矣且侑與主婦之俎祇令司馬設之而不以煩賓  
長也凡此皆尊卑降殺之差也主人與尸俎雖同  
而俎實大不同則亦所謂有所屈有所申者

卒升

正義鄭氏康成曰卒已也已載尸羊俎 敖氏繼公

曰謂已升四羊俎也

案尸侑主人主婦之羊正俎相繼而序升之教說是也此云卒升則專指尸俎以為下文行禮之節注說亦可通

賓長設羊俎于豆南賓降尸升筵自西方坐左執爵右取韭菹揆于三豆祭于豆間尸取體菁宰夫贊者取白黑以授尸尸受兼祭于豆祭

長知  
文反

正義鄭氏康成曰賓長上賓

賈疏案下三獻時上賓洗爵知為一人也

敖氏繼公曰賓長設俎尊尸之正俎也阼俎亦然云  
賓降見尸升之節也既祭則右執爵於尸升筵主人  
亦疑立于阼階東 郝氏敬曰韭菹醴蕡在北近筵  
尸自取白黑在南遠宰夫贊者取授尸

案上經尸北面拜進受爵于筵前乃退復西楹西北  
面之位尸爵猶右手執之未奠也主婦薦豆籩司馬  
升羊俎而賓長設之於是尸乃升筵事皆相接中間  
雖有空隙斯湏耳以堂上薦豆籩堂下柶載可並行

也尸既升筵坐乃左執爵為將祭也

總論賈氏公彥曰從上文獻尸下盡尸升筵立于筵末有五節主人獻酒并主婦設豆籩一也此賓長設羊俎二也下次賓羞羊七清三也司馬羞羊肉清四也次賓羞羊燔尸乃卒爵五也

雍人授次賓疏七與俎受于鼎西左手執俎左廉縮之卻右手執七枋縮于俎上以東面受于羊鼎之西司馬在羊鼎之東二手執挑七枋以挹清注于疏七若是者



三

挑湯堯反一音由挹因入反  
注今文挑作挹挹皆為扱

正義教氏繼公曰疏匕與俎在羊俎西之北者也匕  
清尊於肉清故用上俎羞之雍人陳俎時俎西縮疏  
匕縮俎西柄而此左手執左廉卻右手執匕枋以受  
清是身當俎下端也然則凡縮執俎者皆當其下端  
矣左手執俎左廉乃縮之是授受時皆橫執俎也縮  
執俎以受于鼎西者惟此與豕匕清耳二手執挑匕  
枋敬其事不游手也挹清且若是則匕牲體者可知

鄭氏康成曰挑謂之軟讀如或春或枕之枕或作

挑者秦人語也此二七者皆有淺升狀如飯操

賈疏此以

漢法況之言淺升對尋常酌升深此淺耳

挑長枋可以杼物於器中者注

猶瀉也 郝氏敬曰受于鼎西就鼎取清也卻仰手

向後七中有清直設俎上以手前執俎左邊右手向

後仰執七柄

案盛清恒以瓦鐙此用疏七者為益送不常設也俎非盛清之器故注于疏七而以俎承之徒七不可執

以為禮也其挹之三者禮成于三也據此則疏七大而挑七小可見矣

尸興左執爵右取肺坐祭之祭酒興左執爵

正義鄭氏康成曰肺羊祭肺

賈疏上載尸羊正俎而云祭肺一是也其羊肉

清雖有齶肺一此時未升

敖氏繼公曰言興左執爵明其右執

爵以興也下文皆然 郝氏敬曰接上祭白黑遂祭

肺祭酒

次賓縮執七俎以升若是以授尸尸卻手受七枋坐祭

濟之興覆手以授賓賓亦覆手以受縮七于俎上以降

正義鄭氏康成曰濟清者明清肉加耳嘗之以其汁

尚味

賈疏七清似大羹持牲大羹不祭不濟以不為神非盛此濟之者明肉清加在鼎有汁在俎無汁故以七進汁以增俎實為尸加特牲大羹自門入本不在鼎不調之此肉清在鼎已調之故云尚味

李氏如圭曰此七清也七清無肉肉清無汁七清

羊豕皆有之豕不曰肉清而曰豕胥者肉清言肉初

在清中曰胥明在俎時無汁也以降者俟羞羊肉清

敖氏繼公曰若是者謂執七俎之儀無變也卻手

受七枋則七內鄉而便於用覆手以授賓明其變於  
有事之時次賓亦覆手以受統於尊者也縮俎則不  
復執之而二手執俎矣祭清如祭酒然亦注於地他  
時清不祭此祭者重其在俎也

案清俎無所載其在鼎西唯有挹注之法其羞于尸  
唯有授受之法下豕七清及主人之羊七清豕七清  
並同但無雍人授七俎一節耳尸卻手受而覆手授  
尚相變也次賓卻手受於雍人而覆手以授於尸意

亦同

尸席末坐啐酒興坐奠爵拜告旨執爵以興主人北面

于東楹東答拜

注古文曰  
東楹之東

正義賈氏公彥曰上篇尸不啐奠不告旨大夫之禮

尸彌尊至於賓尸啐酒告旨者異於神也 教氏繼

公曰拜告旨不降筵以有後事也云主人北面于東  
楹東明其復位下放此

案特牲告旨主人拜尸答拜此尸先拜主人答拜者

彼正祭尸尊此賓尸尸同於賓客也鄉飲射禮皆先拜而後告旨

司馬羞羊肉涓縮執俎尸坐奠爵興取肺坐絕祭齊之興反加于俎司馬縮奠俎于羊涓俎南乃載于羊俎卒

載俎縮執俎以降

羊涓俎涓字從楊教作衍文

正義鄭氏康成曰涓使次賓肉使司馬大夫禮多崇

敬也

賈疏以大法官多故次賓司馬各使載其一

楊氏復曰正俎皆橫

執橫奠加俎皆縮執縮奠羊涓俎涓字衍教氏繼

公曰縮執俎者既載則錯而改執之也載時橫執之尸奠爵亦於左宜辟羞俎者後清字衍司馬北面縮奠俎既則西面於俎東載之

案司馬縮執縮奠之俎羊肉清俎也即雍人所設益送之南俎也載于羊俎者載此羊肉清于尸之正俎也後清字楊氏敖氏以為衍文盖羊清俎賓既以之降矣不宜復有俎在也絕祭已見鄉飲酒禮

尸坐執爵以興次賓羞羊燔縮執俎縮一燔于俎上鹽



在右尸左執爵受燔煗于鹽坐振祭齊之興加于羊俎  
賓縮執俎以降

正義敖氏繼公曰室中之事無燔俎故此與亞獻皆  
用之受燔取于俎也

存異李氏如圭曰羞羊燔亦當以羊肉清之俎

案羊俎西之二俎祇載其升于鼎者以益送耳其燔  
則別以俎實之而陳于內東塾非此俎也燔已見士  
虞及特牲禮

尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵末

案燕禮賓既受酢則降立于席西東南面此之筵末即席西也亦當東南面

右終主人獻尸之禮

主人酌獻侑侑西楹西北面拜受爵主人在其右北面答拜

正義鄭氏康成曰不洗者俱獻閒無事也

賈疏以其獻尸訖即

獻侑中間別無酬酢之事故不洗凡爵行爵從尊者來向卑者獻閒無事則不洗從卑者來向尊者雖獻

閒無事

主人就右者賤不專階

賈疏對主人不就尸階者尸尊得專階故

也亦洗

敖氏繼公曰獻侑亦於席前西南面也侑既拜

則進受之以復位主人既拜則立於西階東及侑降

筵北面則復就其右

總論賈氏公彥曰此節內從獻有三事主人獻時主

婦薦豆籩一也司馬羞羊俎二也次賓羞羊燔三也

侑降於尸二等無羊七消又無羊肉消

主婦薦韭菹醢坐奠于筵前醢在南方婦贊者執二籩  
麩蕡以授主婦主婦不興受之奠麩于醢南蕡在麩東  
主婦入于房

正義敖氏繼公曰醢在南方是豆北上也豆北上者  
以席南上也生人席豆相變之法於斯見之矣下云  
侑升筵降筵自北方是席南上也主婦薦豆而贊者  
即贊籩者兩豆兩籩同時設故不必親取籩 鄭氏

康成曰醢在南方者立侑為尸使正饌統焉

賈疏凡設菹常

在右便其換今菹在醢北者以其立侑以輔尸故菹在北統於尸也

案生人席豆相變之法在堂則然在室則有不盡然者說見士昏禮

侑升筵自北方司馬橫執羊俎以升設于豆東

正義敖氏繼公曰凡正俎皆橫執此乃明言之者以司馬進之嫌亦縮執也

案侑與主婦之正俎皆司馬設之者侑不可並于尸

主婦不可並于主人不敢以煩賓長也設于豆東在兩豆之東一俎當二豆兩邊在其南所謂要方者

侑坐左執爵右取菹揆于醢祭于豆間又取麴蕡同祭于豆祭興左執爵右取肺坐祭之祭酒興左執爵次賓羞羊燔如尸禮

正義敖氏繼公曰不啐酒者凡堂上每獻啐酒之節皆當放于尸上禮尸濟清乃啐酒此無清則不宜啐以異其節

侑降筵自北方北面于西楹西坐卒爵執爵以興坐奠爵拜主人答拜

正義鄭氏康成曰答拜拜於侑之右

賈疏以其前拜爵時主人在侑

之右

案立侑以輔尸禮如介亦有不純如介者介降席自南方侑則降自北方也

右主人獻侑

尸受侑爵降洗侑降立于西階西東面主人降自阼階

辭洗尸坐奠爵于篚與對

正義鄭氏康成曰將酢主人 敖氏繼公曰尸適洗  
南北面主人阼階東南面辭洗尸對主人復阼階東  
西面

卒洗主人升尸升自西階主人拜洗尸北面于西楹西  
坐奠爵答拜降盥主人降尸辭主人對卒盥主人升尸  
升坐取爵酌

正義敖氏繼公曰主人亦揖乃升與前後之儀同不



言者可知也侑不升辟酢禮也與尸同升則嫌若同  
酢主人然

總論賈氏公彥曰此事中亦有五節行事尊主人故  
與尸同也尸酢主人時主婦薦豆籩一也賓長設羊  
俎二也次賓羞羊七清三也司馬羞羊肉清四也次  
賓羞羊燔主人乃卒爵五也特牲少牢主人獻尸尸  
即酢主人為嘏也賓尸無嘏且欲與正祭相變故獻  
侑既而後尸酢主人於是主婦之亞獻賓長之三獻

承此初獻之節次而為之悉與正祭相變矣

司宮設席于東序西面主人東楹東北面拜受爵尸西楹西北面答拜

正義賈氏公彥曰特牲及後不賓尸皆致爵乃設席此受酢即設席者賓尸而主人益尊 敖氏繼公曰事至乃設席畧放室中致爵之節亦所以尊尸侑也既設席尸乃於席前東南面酢主人主人拜受爵復位

案鄉飲射禮主人與賓介之席同時設之此則主人  
席受尸酢乃設者亦是尊尸之意吉禮與賓禮異者  
也

主婦薦韭菹醢坐奠于筵前菹在北方婦贊者執二籩  
饗蕢主婦不興受設饗于菹西北蕢在饗西主人升筵  
自北方主婦入于房

正義鄭氏康成曰設籩于菹西北亦辟鉶

賈疏上設  
侑籩正當

豆此在西北明辟鉶也云亦亦  
尸籩當豆西外列以辟鉶故也

賈氏公彥曰凡執

豆邊皆兩雙執之上尸邊豆各四故主婦興取邊豆于房見異饌親之義此侑與主人皆二豆二邊主婦與婦贊者各執其二于事便故主婦不興受設之敖氏繼公曰主人之席亦南上而菹在北方豆席相變之法愈可見矣升筵之節侑速於尸主人速於侑皆所以示其異

案尸升筵在設俎之後侑則不待設俎而升筵侑之禮較尸為質尊卑之異也侑升筵在主婦入之後主

人則不待主婦入而升筵主人之禮又較侑為彌質  
賓主之異也

長賓設羊俎于豆西主人坐左執爵祭豆籩如侑之祭  
興左執爵右取肺坐祭之祭酒興次賓羞七清如尸禮  
席末坐啐酒執爵以興司馬羞羊肉清縮執俎主人坐  
奠爵于左興受肺坐絕祭濟之興反加于清俎司馬縮  
奠清俎于羊俎西乃載之卒載縮執虛俎以降

正義郝氏敬曰羊俎即前胾俎 敖氏繼公曰祭酒

興亦左執爵乃受七清奠爵於左辟肉清俎也受肺亦取於俎言受者執俎以進亦授也故取之云受言虛俎者見其盡載於羊俎而無所釋也此經言羞清俎一節其文有加於尸者所以足其義非異也

案上言取肺羊正俎之祭肺也後言受肺羊清俎之  
齊肺也

存疑鄭氏康成曰奠爵于左者神惠變于常也言受肺者明有授言虛俎者羊清俎訖于此虛不復用

賈疏

此俎雍人所執陳奠于羊俎西在南者自次賓羞七清司馬羞羊肉清于尸次賓乃羞七清于主人同用此俎二降皆不言虛欲見後將更用至此言虛俎明其不復用此俎又下文次賓羞羊燔于主人則用北

之豕俎

案注云羊清俎虛不復用此俎即雍人所執陳于羊俎西之南俎也豕膏清魚將以此羞之胡云不復用乎燔不升于鼎則不用此二俎明矣燔俎與正祭之肝俎為類皆別俎而預載之陳于內東塾上者也主人坐取爵以興次賓羞燔主人受如尸禮

正義賈氏公彥曰燔即羊燔以主人與尸侑皆用羊體主婦獻尸以後悉用豕體賓長獻尸以後悉用魚從是以知主人之燔羊燔也 教氏繼公曰燔不言羊可知也

主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序南

正義鄭氏康成曰不降奠于篚急崇酒

賈疏此下惟有崇酒之文



更無  
餘事

侑升尸侑皆北面于西楹西

正義鄭氏康成曰見主人不反位知將與已為禮

主人北面于東楹東再拜崇酒

案崇酒解見鄉飲酒禮

尸侑皆答再拜主人及尸侑皆升就筵

正義敖氏繼公曰此尸酢主人主人拜崇酒而侑亦

答拜者緣主人意亦欲并謝已也云主人及尸侑先

後之辭也後文放此

右尸酢主人

案尸酢主人正祭惟按祭而已其儀質而簡故畧  
賓尸則司宮設席主婦薦二豆二籩賓長設羊正  
俎次賓羞羊匕涪司馬羞羊肉涪次賓羞羊燔其  
儀文而繁故詳質而簡者神之也文而繁者人之  
也凡獻尸尸酢及一切禮儀賓尸之異于正祭者  
皆是如此郊特牲鄭注云祭禮簡而事尸禮大

司宮取爵于篚以授婦贊者于房東以授主婦

正義鄭氏康成曰房東房戶外之東 敖氏繼公曰

以授主婦婦贊者以授主婦於房中也上篇亞獻畢  
主婦以爵入于房今司宮乃取爵于下篚以授其有  
司徹之後此爵又反于下篚與

總論賈氏公彥曰此主婦獻內凡有四爵主婦獻尸  
一也獻侑二也致爵于主人三也受尸酢四也其獻  
尸一節之內從獻有五主婦設兩鉶一也主婦又設

糗與脩二也次賓羞豕七滫三也司士羞豕胾四也  
次賓羞豕燔尸乃卒爵五也

案王人獻尸獻侑并受酢凡三爵主婦多致爵于主  
人一爵

主婦洗于房中出實爵尊南西面拜獻尸尸拜于筵上  
受

正義鄭氏康成曰尊南西面拜由便也 賈氏公彥  
曰賓主獻酢無在筵上受法今筵上受者以婦人所

獻尸不與行賓主之禮故不得各就其階少牢主人獻祝祝拜于席上坐受注云室內迫狹故拜筵上與此禮異 教氏繼公曰尸拜于筵上受以其殺于主人且因室中之禮也後三獻放此

案教氏之說與賈氏相兼乃備

主婦西面于主人之席北拜送爵

正義教氏繼公曰主人席北此時主婦堂上之正位也 郝氏敬曰即尊前西面拜獻尸退就主人席北

又拜婦人俠拜也

案主婦不可拜獻尸于阼階上故為尊南之拜以獻之至拜送則就主人之席北東序之內亦主位婦人與男子為禮當依其夫也少牢主婦獻尸于主人之北西面拜送爵其所謂北在室中者也此云主婦西面于主人之席北拜送爵則在堂上者也

入于房取一羊鉶坐奠于韭菹西主婦贊者執豕鉶以從主婦不興受設于羊鉶之西興入于房取糗與暇脩

執以出坐設之糗在蕢西脩在白西興立于主人席北

西面

糗去九反。脩丁亂反。本又作段音同。注今文脩為斷。

正義敖氏繼公曰飲酒而有鉶尸尊亦盛之設二邊而主婦親取之以其與鉶異類不可相因也糗與脩雜用饋食之邊也去棗用脩以示其變糗脩北上明不與初儀序下儀類此 鄭氏康成曰飲酒而有鉶

者祭之餘鉶無黍稷殺也

賈疏正祭有黍稷此殺也

糗糗餌也

脩擣肉之脯

郝氏敬曰奠于韭菹西即前云豆西

之外列麴蕢之內也

案取一羊鉶不言出者可知也

尸坐左執爵祭糗脩同祭于豆祭

祭糗之祭當從教作取

正義教氏繼公曰於此乃云尸坐是受爵時立也祭糗脩之祭當如下文作取蓋字誤也

以羊鉶之柶扱羊鉶遂以扱豕鉶祭于豆祭祭酒

扱坊本作

挹非石經及教本作扱

正義教氏繼公曰祭鉶乃祭酒者是禮初獻祭酒之



節居其祭之四三獻居其祭之二故於此特居其祭之三以差之且示禮殺有漸也

次賓羞豕七涓如羊七涓之禮

正義敖氏繼公曰如者如其左手執俎左廉以下之儀其異者次賓自縮執七俎以受雍人不復授之也羞豕七涓亦用羊七涓之俎其七則殊乃擯之覆于羊俎西之南俎之上者也將羞此涓則以羊七與之易處焉既則各反之

尸坐啐酒左執爵嘗上鉶執爵以興坐奠爵拜主婦答拜執爵以興

正義敖氏繼公曰此嘗鉶拜也不告旨異于主人也持牲饋食禮曰尸祭鉶嘗之告旨主人拜尸答拜郝氏敬曰上鉶羊鉶也

案下經主婦致于主人主人嘗鉶不拜明此尸拜為嘗鉶也持牲啐酒嘗鉶告旨皆主人先拜尸乃答拜此主人初獻尸啐酒先拜告旨儻之尸卑于祭之尸

也主婦亞獻尸嘗鉶拜而不告旨主婦之禮殺于主人也

司士羞豕脊尸坐奠爵興受如羊肉滂之禮坐取爵興  
正義敖氏繼公曰奠爵亦於左 郝氏敬曰如羊肉  
滂之禮亦奠俎于羊俎西載于羊俎縮執虛俎以降  
等禮同也

案尸亦坐奠爵興取肺坐絕祭濟之興反加于俎

次賓羞豕燔尸左執爵受燔如羊燔之禮坐卒爵拜主

婦答拜受爵

正義敖氏繼公曰受爵亦於其席也下文放此

案主人獻則羞羊主婦獻則羞豕豕亞於羊所以為  
初獻亞獻之差也羊鉶豕鉶皆於此羞之以兩鉶不  
可單設且因正祭佐食之差兩鉶也尸嘗上鉶則仍  
以羊為重

右主婦獻尸

酌獻侑侑拜受爵主婦主人之北西面答拜

注今文  
無西面

正義鄭氏康成曰酌獻者主婦 教氏繼公曰亦拜  
於筵上受蓋不敢異於尸不言者可知也北亦席北  
案直曰酌獻則無尊南之拜矣所以殺於尸也

總論賈氏公彥曰其同於尸有三等主婦酌獻侑主  
婦羞糗脩一也司士羞豕脊二也次賓羞燔侑乃卒  
爵三也其降於尸二等無鉶羹與豕匕清也

主婦羞糗脩坐奠糗于體南脩在黃南侑坐左執爵取  
糗脩兼祭于豆祭

正義敖氏繼公曰無鉶亦殺也不祭酒者上禮尸祭  
鉶乃祭酒此無鉶則不祭酒其義與上不啐酒同

司士縮執豕胥以升侑興取肺坐祭之司士縮奠豕胥  
于羊俎之東載于羊俎卒乃縮執俎以降侑興

正義鄭氏康成曰豕胥無滷於侑禮殺 賈氏公彥

曰尸侑主人主婦正俎皆橫執以升又橫設於席前  
若並送之俎皆縮執之又縮於席前今司士所羞豕  
胥是並送之俎縮執是其常而言縮執者以承上主

人獻侑時無羊肉滷故主婦獻侑司士羞豕脊不得相如是以特著之見異於正俎諸文特云橫執縮執者皆此類 敖氏繼公曰取肺亦右取之肺謂切肺豕脊無滷者初獻無羊滷故此雖有豕脊亦不用滷也

次賓羞豕燔侑受如尸禮坐卒爵拜主婦答拜受爵正義敖氏繼公曰如尸禮亦如受羊燔之禮也

右主婦獻侑

酌以致于主人主人筵上拜受爵主婦北面于阼階上  
答拜

正義鄭氏康成曰主婦易位拜于阼階上辟併敬

賈疏

前主婦獻尸侑拜送于主人北今致爵于主人拜于阼階上者辟併敬主人與尸侑故易位

教

氏繼公曰筵上受因尸禮也北面答拜放室中之儀也與主人行禮故亦得獨拜于阼階上 郝氏敬曰主人筵在東序西面拜受主婦阼階上答拜于主人之西南也



案主婦獻尸侑而拜于主人之北者夫婦一體也至致爵于主人與夫為禮則當另列為班故拜于阼階上北面若仍在主人之北面西則不惟有併敬尸侑之嫌且不見所拜者之為主人也不俠拜者辟獻尸之禮也 又案特牲三獻爵止乃致爵此未三獻已致爵者賓尸之禮以尸侑主人主婦相次主婦既獻尸侑則必致于主人而後尸乃可酢主婦故與特牲節異也

總論賈氏公彥曰此主婦致爵于主人時從薦亦有五節主婦設二鉶一也又設糗脩二也豕七清三也豕胥四也豕燔主人卒爵五也

主婦設二鉶與糗脩如尸禮主人其祭糗脩祭鉶祭酒受豕七清啐酒皆如尸禮嘗鉶不拜

啐酒工坊本有拜字衍文教本無之

正義鄭氏康成曰主人如尸禮尊也其異者不告旨賈氏公彥曰此經啐酒之上無拜文有者衍字也  
敖氏繼公曰有鉶者昨俎如尸故鉶亦因之設二

鉶羊在菹北豕在羊北設糗脩糗在醴北脩在蕢北此啐酒為將嘗鉶也嘗鉶不拜鉶已物也

存疑賈氏公彥曰前主婦獻尸尸坐啐酒左執爵嘗上鉶執爵以興坐奠爵拜拜在嘗鉶之下則嘗鉶有拜坐啐酒不拜與此啐酒有拜嘗鉶無拜違者彼拜雖在嘗鉶下其拜仍為啐酒以因坐啐酒不興即嘗鉶嘗鉶訖執爵興坐奠爵拜拜仍為啐酒是以特牲少牢尸嘗鉶皆不拜

案啐酒告旨則拜此經主人初獻尸有之其獻侑及  
主婦獻尸侑俱啐酒而不拜為不告旨也嘗鉶告旨  
則拜特牲始祭有之其少牢始祭尸嘗鉶不拜亦為  
不告旨也唯主婦獻尸尸啐酒嘗鉶不告旨亦拜此  
因主人獻尸尸啐酒拜告旨而為之告旨雖殺于主  
人以主婦與主人體敵故猶拜也主婦獻尸之嘗鉶  
與主人獻尸之啐酒其節同故一以為啐酒拜一以  
為嘗鉶拜耳至致爵于主人承上獻侑之儀嫌嘗鉶

有拜故經言嘗劍不拜以明之啐酒之不拜不待言矣疏謂啐酒之上無拜字者是也又遷就其辭以為嘗劍之拜仍為啐酒者非也

其受豕脊受豕燔亦如尸禮坐卒爵拜主婦北面答拜受爵

右主婦致爵于主人

尸降筵受主婦爵以降

正義鄭氏康成曰將酢主婦 敖氏繼公曰主婦受

爵尸即降筵主婦以尸將受已爵也其西面于主人之北以待之與 郝氏敬曰尸酢主婦必待主婦致爵主人而後酢者尊主人使先受獻也

總論賈氏公彥曰此節內從酢有三主婦受酢時婦贊者設豆籩一也司馬設羊俎二也次賓羞羊燔主婦卒爵三也主婦受從與侑同三主人受從與尸同五尊卑之差也

主人降侑降主婦入于房

正義敖氏繼公曰侑主人降從尸也主婦入于房尸降為已宜辟之也凡婦人於丈夫之為已而降洗者例無從降之禮於此篇及士昏禮見之矣

案尸之降為洗爵以酢主婦也主婦若辭洗則宜降階士昏禮記曰不敢辭洗舅降則辟于房不敢拜洗凡婦人相饗無降婦人祭禮事止於堂階故入于房以辟之

主人立于洗東北西面侑東面于西階西南

正義鄭氏康成曰俟尸洗

存疑敖氏繼公曰設洗當東榮主人降位在阼階東直東序則宜西于洗北又上文侑降立于西階西此亦從降也而主人云洗東北侑云西階西南未詳疑文有誤衍也

尸易爵于篚盥洗爵

正義敖氏繼公曰易爵酢主婦因室中之禮也

主人揖尸侑



正義鄭氏康成曰將升 敖氏繼公曰亦異揖之于  
此乃併揖侑者以鄉者尸酢主人時侑不升故也必  
揖之使升者尸酢之意已見於前今無嫌也

主人升尸升自西階侑從主人北面立于東楹東侑西  
楹西北面立

正義鄭氏康成曰俟尸酌 敖氏繼公曰以尸方行  
禮宜俟之

尸酌主婦出于房西面拜受爵尸北面于侑東答拜主

婦入于房

正義敖氏繼公曰西面亦于主人之席北盖尸亦就此位而酢之

案會尸之酌則自出男女相為禮不親相與言亦不使人致辭按節以赴而已不辭洗而入于房以辟之亦猶此也

司宮設席于房中南面主婦立于席西

注今文曰南面立于席西

正義鄭氏康成曰設席者主婦尊

賈疏賓長以下無設席之文惟主婦

設席與主人同故云主婦尊特牲  
及不賓尸主婦設席亦是主婦尊

敖氏繼公曰既

受爵乃設席降于主人也席南面變於不賓尸之禮  
也立于席西者亦西為下未設豆而立席西亦異于

上

婦贊者薦韭菹醯坐奠于筵前菹在西方婦人贊者執  
饗以授婦贊者婦贊者不興受設饗于菹西蕢在饗  
南

正義鄭氏康成曰婦人贊者宗婦之少者

存疑賈氏公彥曰特牲宗婦一人而已不言贊此大夫禮隆贊非一人

案特牲主婦亞獻尸宗婦執兩邊贊之致于主人贊設兩豆兩籩其贊者宗婦一人而已此既有宗婦贊者又有婦人贊者則二人也疏語未析似特牲宗婦直有一人矣

主婦升筵司馬設羊俎于豆南主婦坐左執爵右取菹換于醢祭于豆間又取饗蕢兼祭于豆祭主婦奠爵與

取肺坐絕祭齊之興加于俎坐挽手祭酒啐酒

注古文  
挽作說

正義鄭氏康成曰挽手者于帨帨佩巾內則婦人亦

左佩紛帨 李氏如圭曰主婦羊俎齊肺非祭肺故

絕祭挽手 敖氏繼公曰凡祭離肺者必挽手經不

盡見之也

次賓羞羊燔主婦興受燔如主人之禮主婦執爵以出  
于房西面于主人席北立卒爵執爵拜尸西楹西北面  
答拜主婦入立于房尸主人及侑皆就筵

正義鄭氏康成曰出房立卒爵宜鄉尊不坐者變于

主人也

賈疏上主人受酢坐卒爵

執爵拜變于男子也

賈疏凡男子拜卒爵

皆奠爵

乃拜

敖氏繼公曰出房卒爵宜成禮於所酢者

之前也立卒爵婦人常禮也立卒爵而拜既惟人君及主婦耳其異者奠爵與執爵也燕禮曰公立卒爵坐奠爵拜云立于房見其不就席

案特牲主人主婦交致爵皆酢賓又致爵于主人主婦皆自酢此直有主婦致爵于主人又不酢何也凡

獻酢之節有主有從主獻者酢而從獻者不酢此主  
婦獻尸而因以致爵于主人則主人固在從獻之列  
無由而酢主婦矣特牲主人主婦交致交酢在三獻  
爵止之後自成對偶此在主婦獻尸爵內以主婦為  
之始終則主人又不得而致爵于主婦矣主人既不  
致爵于主婦則賓亦不得而致爵于主婦矣故主婦  
惟受尸酢而其餘則否

右尸酢主婦

欽定儀禮義疏卷三十九





覆校官檢討 臣 李學錦

校對官編修 臣 許兆椿

騰錄舉人 臣 孫 潢